

K296.4
10
30

中國地方志集成

湖南府縣志輯 ④3

道光永州府志(一)



江蘇古籍出版社•上海書店•巴蜀書社

永州府志稿序

從來修官書難於著私集私集各成一家言秩然自有其倫脊官書則撰不一手文不一心一書之中矛盾林起往往不免知言者所譏馬班范沈以後惟陳水紫陽與華亭之明史稿皆以一手總其成故其書完密純粹表表天壤然則雖官書亦不當畧畧明矣當康熙間華亭獨被明史之命聘鄧人萬季野專治其事季野史學閎博舉金匱舊典草野稗乘無不旁搜廣稽而折衷一是然其成也季野不居其名華亭亦不敢擅其功書已進呈尙題曰稿示未定也迨後乾隆初桐城再修實未更易一字但加論贊而書遂定若夫志書之在郡邑猶之史也古今所傳方州記錄不過數十家而近代志書愈多其傳益寡蓋古者皆一作者任之今則視為官書例當集羣力薈羣言而後作卽有明史體具史才者大都束縛於時俗不能自主且亦料其

永州府志

卷首

隆序

六百二十二

書不足以行遠垂久因陋就簡無甚愛重是猶郵亭解舍咄嗟營構呼市人以爲工折弱木以爲材黏墻涓門遇風而頽無或乎著述家之賤其備而卑其所作也道光乙酉余奉特簡來守永州秋初抵郡熟知志乘廢缺已久前權守呂君麗堂方有修志之舉與同城節鎮鮑公蘭舟交勉余以成事是余責也矧敢不任苦乏經費余與八州邑諸賢長分俸資纂修館餐既而勸八州邑士民勸助由鑒前轍東安及倚郭以外罕有應者纂修宗君攻恥竭盡心力手口之力五閱月書成過半其體謹嚴其義博大而十八卷脈絡貫串條理始終一空向來秉筆之習宗君之爲此志固不在庸脩見刊刻無資堅辭聘書所載潤筆六百元而屬余急需付剞劂鮑公念此舉甚切復相從史與余各厚捐俸金合東安及倚郭之所助刻費稍集計日可以召工鐫版矣宗君願謂余曰一人成書而擅厚幣專利

固不可一人成書而擅盛譽專名尤不可幸勿以此書爲定本可乎余不禁慨然曰有是哉子爲季野吾爲華亭昔人之用心丁今可法矣爰復告之麗堂蘭舟二君議以其書爲永州府志稿皆以爲當存此書以繼前此之荒陞待來者之訂刪知者諒其苦衷不知者無所詬病卽此時郡人士有欲更爲鉅製者余不之阻也兩善則有唐書新舊之例在獨勝則有淮西韓段之義存官書豈有定哉道光五年十有二月長白陸慶序

永州府志

卷首

隆序

二
一百八十

永州府志序

郡國地志始於漢備於隨而永州之專志見於載籍者則惟唐韋刺史宙一書由以荆極無傳焉自唐至於宋記載無常名至明成化間姚氏昺所撰始曰永州府志明時凡再修書皆失傳故家舊族遭變後無藏舊本者

國朝康熙中復再修之規模畧完而收軌微亡謬舛不免閱百二十年迄荆守錫遐齋始爲草創以用浮費置中輟又十餘年舊版滋微郡人士憂文獻荒隆請之權守呂麗堂定議復修延山長宗攻取主編纂未幾麗堂去隆介庵至籌費艱窘又將輟矣攻取毅然謝館穀願任其力屬介庵任刊刻資爲鑒於荆之中輟也稿脫即付刻甫及三之一而攻取入都介庵又去翟靜軒繼之亦爲佐濟其用歷三任而至於宗傳宗傳在京師聞攻取言此書未成比抵永攻取亦還館知刻費不足亟爲申諭於

永州府志

卷首

序

六百一十一

眾眾皆慨然費稍稍集兩年中樽節度計以其半採山川搜金石與刻志之未成者十卷而半葺濂溪書院齋舍齋舍成而志亦成介庵初以是書由一人手筆爲未安仍命之曰志稿意待來者之復定也及宗傳來審其體例皆源本昔賢史志按其敘述之辭亦具有古文義法惟列傳間有沿舊志餘習官名姓氏率從簡省者宗傳已爲之參酌其字句至傳中凡引儒先多字而不名與史例不合然方志視正史較殊存之以示重道尊賢之意於義亦通故不改也若夫星土之差忒昔所襲者今正之輿圖之要害昔所昧者今著之山川之脈絡昔所離者今貫之食貨之纖璣昔所忽者今覈之風俗之正變昔所畧者今詳之人物之品類昔所混者今晰之以及藝文著錄事紀編年古蹟金石之分代攷證皆舊所未有所因舊者特學校秩祀二志職官選舉二表而已其開刊正增補者亦十之四三統計 昔幾

二百萬言竭其心思耳目之力以爲之自來著書之孤且勤無愈於此即大醇不能無小疵覽者亦將有以諒之矣至其愛古而不私微今而不濫則眾所共見而共信矣宗傳不敢掠朝事之美亦不容辭終事之責書成而名未定其何以垂信來許備

徵
皇輿于是斷然夫其稱稿之文焉郡人士有起而匡其誤補其遺者願與討論而潤色之俾是書益進於醇不更善乎幸毋爲成書匿過也爰紀其作志之實以爲序道光八年十二月初日
桐城李宗傳海帆序

永州府志

卷首

序

一百八十八

永州府志跋

永爲楚南一大都會山川形勝土俗民風茲誌備矣顧前鄉守之經營纂脩之筆削時賢之參互考訂斟酌盡善號爲完書而歷久罕有識者且任其顛倒錯亂幾於不可句讀則亦當事者之責也桂學吏湘南凡五更閱丙寅夏履本任始入郡境凡山川形勝土俗民風昔所聞者今躬逮焉時以弗得當負委任是虞既視事求府志則所司無存書會早久屢禱無市思所以迓神庥而甦民困者適零陵德衡齋明府以新裝是志見貽亟檢閱得宋至和間太守柳拱辰禱雨零陵王祠一事求王之爲神則今

勅封普應昭忠威烈忠靖英濟仁澤王俗稱爲唐公者於是齊沐會禱越十日雨降雖於農田僅微潤而幸得志書資考鏡事有端緒矣攷志經始於道光乙酉至戊子書成中更呂麗堂隆

永州府志

跋

介庵翟靜軒李海風四太守秉筆者則會稽宗滌樓觀察觀察從宦零陵年且久尋主講濂溪學具淵源筆謝枝葉又濡染於次山柳州浮溪諸寓賢之流風餘韻同時如劉筠莊學博方疏何子貞太史紹基楊紫卿上舍李鷺諸先生又能擴所聞見互相證明折衷至當故其爲圖經一爲志九爲表二爲傳四爲略二都爲十八卷蒐訪賅博斷制謹嚴蔚然成巨觀焉惜數十年來雜以軍事致少問津者而無知之人又臆爲剽補殊爲全書類今年夏屬道州何子栗茂才紹穎信舊本爲校讐稍稍復初觀會以赴省試未竟事桂公暇重校又得若干處立更之昔所病者十去八九爰裝訂成帙以存掌故而闕微猷抑更有進者戊子至今四十年中更江華趙金壘一案及髮逆十餘年兵燹當時邦人士忠義奮發出而敵所偵立勲揚名以及婦人女子守身完節者固宜別白補入以爲志乘光而豐歉災祥之宜紀

守令丞掾各官職名之宜書與夫歷科徵召選舉蔭襲各事宜均應續入各表志以傳信惟茲事體大非一手一足之烈所能爲邦人中賢且仁者實多有能起而分斯任者乎則今日是書之重裝早爲他日新志之嚆矢矣時同治六年歲次丁卯八月下浣輝發廷杜跋

永州府志

跋

永州府志重修姓氏		定議開纂	署 永州府知府候補知府 呂恩湛	創事開雕	永州府知府候補六部員外郎 隆慶	接任監修	署 永州府知府陞任辰永沅靖兵備道 翟聲煥	綜成裁定	永州府知府前浙江督糧道 李宗傳	纂修	侯選 內閣中書 宗積辰	參閱採訪	署 零陵縣知縣調任瀏陽縣知縣 趙瑜	永州府志 卷首 重修姓氏 二百七十二		署 零陵縣知縣現任清泉縣知縣 蕭昇	祁陽縣知縣 王景章	東安縣知縣 崔德	署 東安縣知縣 侯選知府 托渾布	署 道州知州 胡三多	署 道州知州 馮宗煒	道州知州 張元惠	同知 街署 道州知州 劉啟元	署 寧遠縣知縣候補通判 李鐸	寧遠縣知縣 前翰林院庶吉士 葉桂	署 永明縣知縣 劉國彬	代理 江華縣事現署永順知縣府經歷 王璋	江華縣知縣 姚熊飛
----------	--	------	-----------------	------	-----------------	------	----------------------	------	-----------------	----	-------------	------	-------------------	--------------------	--	-------------------	-----------	----------	------------------	------------	------------	----------	----------------	----------------	------------------	-------------	---------------------	-----------

新 田 縣 知 縣 杜金鑑		署 新 田 縣 知 縣 盧始安	總理志局兼分訂		府 學 教 授 歐陽光	府 學 訓 導 蕭明善	府 學 訓 導 唐芳樹	首請重編		零 陵 縣 歲 貢 生 葉向時	零 陵 縣 學 生 員 趙承泰	零 陵 縣 學 生 員 步承恩	零 陵 縣 職 員 賀堯德	徵訪風俗		永州府志 卷首 重修姓氏 二百四十一		零 陵 縣 舉 人 侯 選 教 諭 張光輔	零 陵 縣 副 貢 侯 選 教 諭 王金貢	零 陵 縣 學 生 員 蔣芝田	零 陵 縣 監 生 屈建麟	零 陵 縣 監 生 羅楚賢	府 學 增 生 趙瑞琥	祁陽縣學 生 員 李建寅	祁陽縣學 生 員 蔣龍光	祁陽縣學 生 任程九	東安縣舉 人 唐知銑	東安縣舉 人 羅正六	東安縣學 生 員 謝鍾山	東安縣學 生 蔣元甲
---------------	--	-----------------	---------	--	-------------	-------------	-------------	------	--	-----------------	-----------------	-----------------	---------------	------	--	--------------------	--	-----------------------	-----------------------	-----------------	---------------	---------------	-------------	--------------	--------------	------------	------------	------------	--------------	------------

道州拔貢侯選教諭周詒	道州學廩生黃祚衍	道州學廩生周迴哲	道州學廩生何紹基	寧遠縣舉人大挑知縣歐繼韓	寧遠縣歲貢生王建中	寧遠縣優貢生李家傳	寧遠縣生李家麟	永明縣歲貢生蒲學仁	永明縣拔貢侯選教諭蔣啟錫	永明縣學增生周光恒	永明縣學增生唐志滿	江華縣拔貢侯選教諭何景槐	永州府志 卷首 重修姓氏 三 二百三十二		江華縣拔貢侯選教諭楊棧	江華縣歲貢生蔣存仁	江華縣學生楊尙志	新田縣拔貢侯選教諭樂致治	新田縣生胡世球	校對	浙江會稽縣儒童宗光椿	零陵縣耆職王日照	永州鎮耆吏王恒岱	永州鎮耆吏艾承先	緒寫	永州鎮耆吏彭天貴
------------	----------	----------	----------	--------------	-----------	-----------	---------	-----------	--------------	-----------	-----------	--------------	----------------------	--	-------------	-----------	----------	--------------	---------	----	------------	----------	----------	----------	----	----------

永州府志目錄		卷首	序	刪削隆序	重修姓氏	目錄	凡例	舊序	卷一 中下	星野圖經 上卷	輿地圖經 中卷	卷二 中下	水州府志 卷首 目錄 一 二百五十五		名勝志 上卷	建置志 坊表郵驛津梁卷上 宮室卷下	卷三 中下	學校 府學卷上 入屬卷下	卷四 中下	風俗志 古俗氣候農田水利農事生計土習鄉三禮	卷五	秩祀志 外志	卷六	食貨志 物產斤口卷上 田賦雜稅卷中 領捐款日鹽出積貯卷下	卷七 中下	武備志 表附
--------	--	----	---	------	------	----	----	----	-------	---------	---------	-------	--------------------	--	--------	-------------------	-------	--------------	-------	-----------------------	----	--------	----	------------------------------	-------	--------

卷九	分上	藝文志	經類卷上	子類卷下
卷十		古蹟志		
卷十一	分上	職官年表	府表卷上	零而東表
卷十二	分上	選舉年表	薦辟進士舉人武科武職卷上	貢生例貢封廕卷下
卷十三		良吏傳		
卷十四		高賢傳		
卷十五	分上	先正傳	理學忠節行義事功卷上	才
卷十六		列女傳		
卷十七		事紀傳		
卷十八	分上	金石畧	漢唐卷上	宋卷中
版頁目				

永州府志

卷首

目錄

二

永州府志凡例十二則

一因舊從長舊志經錢邦芑常在兩手相繼而成如斥注祀論守禦書賦歛皆見直筆有義法今皆因之縣志則惟承明江華未經修削者其紀載兵變極詳卓然不以粉飾爲事且其所記本無干旨忌諱舊志一切略去大事何徵自有不能盡因者若建置秩祀學校等門初擬貫各爲一編恐掩目目故但加損益仍依舊體分行布列其中樂器儀注舞佾之類雖天下常制念邊隅典籍不備賴此書資考訂寧瑣毋輒不敢矯爲異不敢苟爲簡也

一據古求信會鉅寧遠新志瀟水考一以水經注爲的確然有條理今編探郡境水道以水經注證之所至多脗合處足補舊志所不及即如黃溪以上之陽明山古籍無考按之實當時潭山他如湘口之燕室邱龍泉寧遠之深水尤諸書所

永州府志

卷首

凡例

五百五十五

久佚者新省志多引水經注不加斷按固關疑之今

異名並載訖無定據勢將疑益傳疑踵襲滋謬今特爲循脈絡參之圖經苦思力求其合必不能合而後置之非敢臆武斷也

一確探地形舊志郡總圖及州縣圖山水所在往往易置方獨獨致詳於俗傳之八景可謂棄本而重末矣今專遣畫者周歷境內導山溯川探索源委邊陲險要瞭如指掌經年之久而圖始成全境圖幅過多不能全刻且迫於時日窘於經費猶地深峻之處尙不能纖悉皆到未爲完密無憾但視昔稍爲詳確而已

一釐正典禮各州縣名宦祠神牌所祀前代本朝名宦通祀者多參差專祀者多漏佚而零陵鄉賢祠以華譚臧榮緒鄧燦爲邑人而祀之尤誤之甚者今皆一一釐正行文州縣

照志更定至節孝祠或建或否惟寧遠經汪輝祖釐定有章最可師法然奉文入祠姓名州縣志率不專載今猶闕以待補亟望司牧之良舉此缺典也

一聯絡山川方志俗例多以山水分條列載方輿遠近各不相顧複查歧錯自所不免今因其方輿隨其遠近而條貫之苦多隔閡勤諮數訪猶不能盡又未能懸待歲月致稽全局乃設為畱空待補之法便於增入其間或有沿本志之誤不當聯而聯者願與老成遺獻同是正之若題詠詩文用范石湖康對山之例附於山水之下選一遺萬不遑郵焉

一綜覈食貨一草一木民生賴之故物產為田賦先郡屬賦役全書久不修收州縣志多以此類為贅文付鈔胥拉雜鈔錄柄鑿齟齬不一而足領款捐款全書所無更無載者嘗覽湖南諸方志靖州志食貨最精次則湘潭今師其意而各為

永州府志

卷首

凡例

五百八十四

條貫以敘之其數之不齊察郡縣檔案文卷一一必求符合誠以民力所繫不敢不慎也

一采問風俗舊志及州縣志志風俗大都抄襲歲時記並不據事直書今以鄉三禮為宗又旁采其土諺山諸俗書巷述將以陶化朴樸使知禮樂也府中近為條告首以正風俗為先務郡邑人士不乏有心世教者第俗以禮自此始矣

一官表訂譌舊志所錄疎者惟職官表時代久遠紀載殘缺欲按格計年勢本不能特年號先後官職姓名苟有可徵不吝任譌乃若以梁張紹為唐張紹梁以宋李昉為唐末人以吳徐陵為晉時守以永州刺史韓擒為卽此永州略舉數端已見其概甚者誤讀碑版顛倒名氏當日誤者想不深察也今表於開局先成付刻太早三年以來屢訂屢改考核久而外謬日出且亦有累於他書有歧誤不能臆定之處况如諸

葛詮司空荷柳入大使孫吏部者或莫考其代或莫舉其名咫聞渺見何可以五十步笑百步更望後之博物君子匡正其所未逮焉

一人物分類舊志人物甚少分地著傳做零陵先賢之舊稱未為不可乃又自異其例別為周子世家及忠節孝友等傳於先賢之前一似先賢不足以括之者今志稿本嘉慶間所草創其書動筆處殊少而收傳獨寬驟加繩削不校于人情然品詣不分大德反隱故別先正為九門以理學忠節行義事功為始仍冠世家於理學之先斟酌古今庶得各從其類至耆民逸老被

國家引年之典生存者亦為附載姓名用志人瑞共列女傳節孝五十以上例得請旌省志皆許立傳今並從之

永州府志

卷首

凡例

五百五十九

吏士之作皆倣史例具錄其目其舊藝文志中詩文有類可歸者悉已別錄惜此編略備書目而未得接集其原書不能於各目下盡列序文尤可憾者易三接忠鬼錄等書懸金購之終不可得力微而竟不足徵不能無責於前此任載筆之責者也郡中金石略自零陵補志始專輯為一類新省志多采之今又旁搜徧括集州邑巖藪之奇拾殘補闕審辨不遺餘力較省志加詳焉然剝蝕淹沒古有今無十百于此豈足以履徵文之志哉

一專書實事方志本佐史之書自詳景物而略治亂者輩出而方志亡當省志未修之初湖南惟江恂江昱所撰清泉志有編年事紀繼此則許紹宗鄧顯鶴之修武岡志全倣史體其紀兵事則用五季十六國之例稱載記皆備書一方治亂之迹能詳人所未詳及省志出兵事更有專類今若僅以載

記書兵事則此外亦須別爲古今政紀而後可轉覺緒繁無
統因參用其法而例則一從清泉提綱附目一郡二千年事
胥在其中列末卷者志中眾類咸備以此總其成也
一慎收新傳纂輯之始凡行義貞節可採者即定爲由縣加
結詳報事實未合駁問覆察覈定可入然後送館爲之附傳
三年中未有私授受者昔年零陵縣志登牛存守節姑婦書
成十年而其婦垂老改節今因士紳公論而削之惟願今有
司之所舉他日皆無遺議則幸甚

永州府志

卷首

凡例

四

一百六十六

永州府志舊序

夫畫疆分理盛治之常經懷土樂生庶民之恒性古來聖君賢
相則壤定賦建官置吏設爲禮樂法度以董勸之凡以爲民也
禹貢列其山川鎮澤辨墳墟青赤泥塗之異以制田賦高下之
則至於條鵠橘柚篳路藍縷之微亦舉而載於簡策周禮辨方
正位體國經野大司徒掌邦教職方氏掌典圖外史小史領邦
國四方之志稽民物蓄施之宜而男女之眾寡閭里之纖屑皆
無不書班氏諸地里詳古今沿革與民風生業飲食俗尚使觀
者有考焉此志之所由昉也我國家治化翔洽聲教四訖至
於海隅日出莫不砥屬版圖宏遠功德顯巍直高出三代追駕
唐虞矣康熙八年詔天下各修志書復命儒臣編纂大清
一統志斯即古者命太師陳詩以觀民風省察其俗之得失範
圍於禮樂法度之中以一道德而同風俗者也而車書王會之
永州府志
卷首
舊序
廣幅輿戶口之盛經制典章文物之備亦若覽禹貢周官而燦
然在目犁然有當於心固已非尋常採輯之所可及矣顧一統
志藏於內府未易仰觀通志卷帙浩繁且載各郡邑事蹟或撮
要而未詳則府志尤不可以暫已乃永之有志先成於康熙九
年爲知府劉道著所修旋遭吳逆之變燬於兵燹僅有存者亦
殘缺失次二十九年蓋平姜君來守是邦三年報政之期爰率
其僚屬廣搜博考參訂會萃爲卷凡二十有四爲目凡三十於
天地形勝賦役風俗官師人物食貨藝文之屬網羅放失舊聞
斟酌勸戒其用心可謂勤矣刻成而乞弁言於余乃序而告之
曰太守古之諸侯奉宣條教千里之內父母師帥之道在焉姜
君其欲有所施於一方以化民成俗里仁處義斯不負
聖天子建官維賢之至意乎抑徒誇博麗而備稽考邀功令而
飾文治也如以誇博而飾文則斯志亦既彬彬其有合矣若有

施於民而臻上理無若子周子之論聖以誠為本論聖可學以無欲為要元次山之自箴以仁讓清介忠直方正為勗惟本之以誠而守之以無欲造乎仁讓清介忠直方正之域而弛張隨時舉措各當於以取法於漢之龍召唐之元陽薛柳宋之歐冠楊胡繼踵諸公為

本朝循吏之績則余有厚望焉范忠宣曰吏事近民精心於此學之要也可不勉哉爰為書其端兼以告後之為政者云康熙三十四年歲次乙亥季冬湖廣總督沁州吳璵序於武昌公署

欽惟

聖天子御極以來右文敷教百度維新特詔天下郡國咸修志乘以備通志採擇惟時郡國各徵召儒生考稽舊聞編輯成書邑上之郡郡上之省分疆定界蒼萃搜討罔或漏遺彙而上

永州府志

卷首

舊序

五百五十一

之秩宗

天子廼命諸儒臣分掌厥任用成大清一統志彰無外之模成不朽之業煌煌乎甚盛事也壬申冬予奉恩命撫楚入其疆首覽輿圖乃知楚地延袤六千里而遙西黔中巫郡東夏州海陽南洞庭蒼梧北涇塞鄆陽雖代沿革分隸不一大約不離楚域者近是惟大湖南南北幅員既廣本朝以兩臺長分撫鄂沅沙而以一制府統轄之郡邑雖分省志則一示不失楚舊服也承之為郡列地千里介在南陸山川奇秀形勝險阻控百粵扼五嶺人無爭訟俗尚絃歌家嫻禮義而化易孚地足漁樵而人樂業載在傳記班班可考我朝定鼎踰五十載聖天子仁漸義摩聲教四訖無遠不屆永雖僻壤其荷甄陶而齊美中州當必有更進於古所云無疑者蓋嘗論之俗以化美地以人傳夫舉一世而裁成之者聖天子之事也就一郡一邑

而整齊化導之者更有司之責也承自唐以前未著厥名自柳子厚元次山輩後先仕宦其間而西山銘銘潯溪丹崖之勝至今形於詞人學士之口與瀟湘雲夢同土咏歌回思昔日之埕藏掩沒於榛莽數澤間者豈真有陸離光怪不可遏抑者哉特以二公名重一時而托以傳者遂因不朽耳入山川之勝尙賴人以傳而況夫忠臣孝子義夫節婦以建山林隱逸高蹈之上其鬱勃不磨之氣賴人以傳者又當何如耶今姜君之成是志也其提綱挈領發凡起例微顯闡幽義炳日星者予雖尚未寓目而嘉其政通人和振舉大綱土田賦稅以示屬吏崇化厲賢以率士民則是書洵為政一大助也姜君可為知本末先後之序者矣

康熙三十三年歲次甲戌仲秋署總督事湖廣巡撫三韓年遐齡序

永州府志

卷首

舊序

五百五十九

永陽蓋南楚一大都會也臨水陸之衝當楚粵之要遙控百蠻橫接五嶺瀟湘之水南北匯流九疑諸山左右環列周秦以來列於荒服者蓋以徵發期會每多遠阻也漢晉之後繁華殷阜而世遠人遐無能深考我朝定鼎至今垂五十餘年西山之役奔走未遑演逆之興瘡痍尤甚自甲申以迄甲寅三十年間屢經兵燹焉幸際

聖天子御宇加意撫綏耕桑之業俱已安集鴻雁弗歌於中澤而絃誦日盛於黨庠矣庚午春予奉簡命來守是郡察厥土之剛柔求教養之緩急遺文故老邈莫可問爰與同郡僚案搜剔舊文共相參訂刪繁增要勒成一書付之剞劂凡三易寒暑方克竣工大抵承之所屬如祁東則田少而戶多其民率挾貨而走四方從事於貿遷者居半故狡獪日甚而樸茂之風蕩然若永江則界連富賀有可耕之地而猺

撫時警高山符林防禦殊難焉寧遠為春陵故地新田又屬寧遠分隸之鄉接壤尚寨習於鬪狠急之則入山林而為猛獍之則出山而游食零陵附郭稍知自好道州淳熙有周子之遺風習尚之不同守土者所宜留意也故墳壤黎赤賦田高下著於禹貢箇簞龜魚男女畜擾見之職方古之人無非因天之經順地之利知民俗淳淳澹儉之故而因革損益之然則郡邑之志苟非圖治之首務歟邇者

天子方右文偃武開東閣命儒臣網羅百代以光文治而秉節諸大臣又復宜揚教化惠養羣黎予將以是書進之采風者之側使知荒服之地為都會要衝政教之餘撫循尤急他日優渥雅化吾知必有人焉出而光贊皇猷者以為斯郡倡是予之所深願也夫康熙三十三年永州府知府蓋平姜承基撰

聖天子御極之八年詔天下郡邑咸修志大一統也於時守宰

永州府志 卷首 舊序 六百二十三

祇奉厥事前永州太守劉公燦宇貳守劉公懋三輯郡志而刻之意可以垂永久矣乃不四五年逆臣亂紀棗梨灰燼幾許成勞蕩為烏有予以康熙三十九年承乏郡丞睹山川之秀麗景物之清超竊嘆元初當年獲勝尋芳兀然千古思得班乘以當臥遊而問諸故老遺籍泯然已而攝符道州得舊編於州儒常子家俛而讀之大概得其二三猶未能快然於心洞然於目且示之所屬八邑幅輳遼瀾南眺蒼梧鎖鑰門戶北望洞庭襟帶咽喉其間民生之休戚風土之醇疵戶口之登耗政治之麗薄皆長人司牧所宜周知而詳調者而因時制宜斟酌調劑前事之不忘後事之師也非有成憲可稽於以服官而從政何異陟崔巍而去其階梯泛湖海而釋其舟航乎歸而請諸郡伯慕菴姜先生擬將復刻成書議以允協乃上其事於大吏得請爰取舊志重加增訂而介常子次第其篇章損益筆削郡伯為政予

與別駕施廉侯斬鹿滄反覆以盡其詳自舊志輟筆以迄今日廿有餘年所未載者補綴無遺即前人之偶爾脫簡亦必博采旁蒐秩然具備綜其大綱貫其條目凡為卷帙二十有四臨文五十萬言有奇三週寒暑而後告成一則考核之務精再則資率之莫繼而遲之又久雖不敢云後來居上亦庶幾乎毫髮之無遺憾矣顧吾思之天下事或昔無而今有或始創而後因凡天道之往復人事之廢興類如斯矣彼詩書所稱尚矣蔑以加矣山茲而後左氏之編年不能無龍門之紀傳也涑水之長編不能無紫陽之筆削也况夫柱下所掌名山所藏汗牛充棟窮年矻矻而難盡者何可勝數大都因時感事有觸而後成也然必習富二酉學擅三長乃敢登作者之堂任立言之責予也自慙寡昧不學無術又以冷署閒曹不自度量意匠經營躊躇指据向非慕菴先生匡我不逮同時州縣諸君子相與有成其不

永州府志 卷首 舊序 六百三十一

致半途而廢者幾希矣志成因弁數言志喜也夫志感慨也夫康熙甲戌七月既望永州府同知會稽史在鑣撰

一郡之志即一國之史也古者列國皆有史自秦罷侯置守而史職遂廢後世郡志之作其補史職之闕乎自漢太史氏有天官河渠諸書而班固因之遂作地理郡國食貨等志此志之始也考之上世巡狩述職上下策重道其後也王述雖熄而述職之典猶存述者何述其所志郡邑風土之屬而經緯區畫因俗宜民以告成事於天子也自非疏舉搜指振綱紀要戶口土田莫辨人情物產莫辨雖欲取斯民而裨席之其道無繇矣道著自丁未之冬奉 命來守永州思精心殫慮革弊興利以奠安黎元上報 國家乃求其要領而端緒紛如及欲考諸舊志而兵燹屢經編帙散亡故老無存適上臺彙修楚志符檄屢下遍徵郡邑紀載乃大集各屬新舊諸書網羅放失咨詢遺獻雖悉

其梗概而簿書日繁較譬易炫問鎮江錢開少先生隱居南岳
西走使聘致與同寅劉慰三先生遍訪各流互相參者積之歲
餘而書始成上自天文地理下及山川形勝田賦官師以至風
俗兵戎人物文藝無不搜索討論綜其常變究其指歸不敢乘
以躁心勝以浮氣以是進文劑質言必歸理義必有則存法戒
而備典觀庶幾不失古史之遺意昔三代盛時天子采風問俗
周禮職方氏掌天下邦國都鄙之圖而周知四方利害凡以爲
民耳嗚呼民不獲見

天子而言情於其吏言之吏不獲知郡邑之情形於其志知之
爲吏而不留心地方民生之利病雖擁書萬卷學貫天人於治
術無當也故斯志既成而後之官斯土者可以考因革而善政
敎生斯地者亦足以鏡得失而崇進修孔子曰與其托之空言
不如見諸行事之深切著明也然使春秋不經筆削亦且與晉

永州府志 卷首 舊序 六 六百一十四

之乘楚之檣杪等爲消沉耳夫春秋之作豈僅僅魯國之紀述
哉卽以推之天下可矣道著之爲是書也誠懼一方之典籍散
亡而後世之法則無由故亟收其什一以質諸同人而俟損益
於後賢若謂國門一字名山千載則道著誠未敢自信也

康熙九年春二月永州府知府劉道著撰

國家纂修大典總之儒臣而命官分職各有攸司其在國在野
事雖不同要非推賢任能集思廣益不爲功誠以修詞需一人
之長而命意期眾理之咸備因四人以成事乎於以考核而折
衷之法遂莫詳乎此也余自鼓篋釋菜而後日從事於簿書每
與當事諸君子問俗採風思爲一代之成書殷殷然有志而未
逮迨丁未歲補承司馬地僻民淳兼處閒秩政務暇前較省又
不敢自擬遜謫以山水文章曠逸放弄也既而思之永雖居楚
南微山水形勝可不識乎古哲名賢可不知乎土木蕃育可不

辨乎然最亟者賦役則壤之定制風俗人情之習尙忠厚廉節
之揄揚爰考郡乘載徵邑籍非缺畧而鮮存卽稗野而無當雖
日事刪除終屬散帙吾輩嘉興謀之幾銳意舉修矣而議者猶
或難之難之者何謂徵發期會無暇日也淹貫博通無兼材也
摩厲筆札無宿儲也簡遺篇斷無蓄構也余曰否士大夫當勇
於有爲居官者在教於任事爲學之典爲政孰緩孰急乎國事
之與家事孰輕孰重乎於是咸相推曰總煩握要必得若而人
博綜遐覽必得若而人相助爲理必得若而人披閱檢校必得
若而人故計多量尊幾費籌畫焉適館授餐幾費慙焉捐己
率人幾費裁酌焉訂疑折輿幾費抽繹焉夫然後事無鉅細理
無隱顯道無古今人無朝野天文有分野矣而災祥豐歉之必
書輿地有封域矣而沿革損益之必記丁糧有正額矣而供億
雜項之必晰人物有代興矣而山林隱逸之必及若夫騷客之

永州府志 卷首 舊序 七 六百二十四

游咏僊釋之外傳以抵田疇樹藝之微飛潛動植之類靡不斟
酌先後而次序焉而志成矣初操觚者謂余曰郡之有志猶國
之有史也里巷歌謠則嫌於不文纖音靡節則嫌於不質一人
之識力有限也未能洞悉而周知學問有數也未能博聞而強
記資斧有盡也未能付刷而投梓勸導有涯也未能旁引而曲
喻公其謂我何余曰吾聞之露狐之詩不如異蛇之說五月之
令不如三事之歲理有未確毋寧傳信而闕疑語有不經毋寧
刪無而存有論有未定毋寧賤近而貴遠評有未詳毋寧重耳
而輕目至於破謬謬謬難雜亂杜奸偽絕資緣紀名勝存忠厚端
風化此其大畧也君才十倍於余而猶余是問豈亦謀野則獲
之意乎余又何能贊一詞若夫好善而惡惡進賢而退不肖小
子亦有微長敢不虛己奉公以俟君子

康熙九年仲春永州府同知古燕劉作霖撰

蘇子山有言域中有三大曰天曰君曰史史蓋若是其重也劉知幾之論曰史貴三長以才以學以識史又若是其難也夫今之郡志卽古之國史而其貫■古今博綜天人備考方物較國史又加繁焉芭何人斯敢言述作乎自戊申冬同劉慰三先生遊九疑友人施綬宜卽以永志爲請己酉春王毅菴先生來衡傳劉燦字先生命欲以志事相委未幾素中李碩年亦以書來言芭俱未敢應也不月餘劉公遣使以書幣至而綬宜復掣舟來迎芭於是勉勉入承至則諸公大徵文獻及諸邑侯學博考人物採輿論搜見聞其文亦斑斑郁郁井然具列矣芭復集彭子石夢葵子木生正子仲文編次位置分疑列目上自大文地理下及官師田賦旁至藝文物產定爲二十四卷爲類一十有八爲文四十萬五千餘言始於己酉夏初告成於庚戌暮春是役也諸君子殫心研慮廣稽遐覽事必考實文務從雅人盡虛

永州府志

卷首

舊序

一百四十一

東見無獨是煌煌乎勒成一代之書芭幸屬諸君子後樂觀其成復何能贊一詞然至於筆削黜陟不敢阿諛徇俗苟且塞責以是報知己庶幾可矣孫樵曰爲史官者明不見刑辟幽不見鬼神不如是其書可燒也夫文人著述欲傳信千秋取法後學倘不能干城名教維持風化而徒飾爲美詞以容悅流俗亦奚爲哉是則芭之所自信也而猶有歉焉者古人之爲一書也必往復考訂需之歲月務求信百世而無惑焉漢時郡國之書上之太史其副乃有宰相故太史得悉其本末得遣使巡行天下采四方風謠勒爲一書揚子雲提鉛懷槩從諸計吏訪殊方絕俗之語以備國書是以古人之史淹博綜核事理無遺闕也今則拘以方隅限以歲月又兵燹之餘載籍亡失一二記聞大半荒陋甚至物力儉固動成齟齬未免抵於俗態瞻顧容且欲展生平之蘊而臻美善之極憂憂乎難言之矣後之君子踵事修

明補其闕誤庶幾有辭於辜我云爾鎮江錢邦芭開少題

永州府志

卷首

舊序

九

黃道宿度表

翼度	軫度	翼度	軫度
唐開元十九	十八		
宋建隆十九	十八太	太平十九	十八太
太平十九	十八太	天聖十九	十八
治平十九	十八太	元祐十九	十八太
崇寧二十	十八半		
元至元二十	十八七分		
明崇禎十七	十三分		
國朝道光元年			
翼十六度五十九分			
軫十三度零五分			
已宮度分表			

永州府志

卷一上

星野圖經

五百七十四

星入度二十六分 張十八度零三分 翼十六度五十九分
嘉慶二十三年 星五度起已宮初度翼入度已宮度終
道光元年 星五度十二分起已宮初度翼入度四十三分
已宮度終道光八年 星五度零五分起已宮初度翼入度
三十七分已宮度終
赤道表 南北兩極相距適中處劃分一道曰赤道平分天
永州府署 陽東安道州寧遠永明江華新田
在翼六度與七度 後經度表見
黃道表 日月五星 運行周天其軌跡所經而度規謂之黃
赤道表 南北兩極相距適中處劃分一道曰赤道平分天
行至南北兩極相距適中處劃分一道曰赤道平分天
永州府署 陽東安道州寧遠永明江華新田
在翼六度與七度 後經度表見
黃道表 日月五星 運行周天其軌跡所經而度規謂之黃
赤道表 南北兩極相距適中處劃分一道曰赤道平分天
行至南北兩極相距適中處劃分一道曰赤道平分天

宋建隆十九	十八太	太平十九	十八太
咸平十九	十八太	天聖十九	十八
治平十九	十八太	元祐十九	十八太
崇寧二十	十八半		
元至元二十	十八七分		
明崇禎十七	十三分		
國朝嘉慶二十三年			


永州府志

卷一上

星野圖經

三百七十三

圖宿型
度宮終二二已辰十起年十
七辰度十宮起年十



今五更舊有
無星辰有

翼宿步天歌
二十二星大 以上五下五 音音心六箇恰似張更
有六星在 欲知名字是東甌
向前看野五箇星 欲知名字是東甌

永州表五百九十里應鵠尾宮二度二十一分零三十六秒

零陵表四百四十里占三十三分零三十六秒

祁陽表三百三十五里占三十二分零二十四秒

東安表三百九十里占四十五分零三十六秒

道州表二百二十里占二十四分零三十六秒


寧遠表百九十里占四十五分零三十六秒

永明表七十里占一十六分零四十八秒

江華表一百七十五里占四十二分

新田表八十里占十九分零十二秒


永州府志 卷一上 星野圖經 四 四百一十四



星宿步天歌

星七星如鉤柳下呈上列十七軒轅騰轅前一星御女名內


平四箇中台迎五箇天稷今無形



張宿步天歌

張六星似杓在星旁上有三星是天相天廟十四今隱滅

永州府志 卷一上 星野圖經 五 二百四十六



翼宿步天歌

翼二十二星大難識上五下五橫著看中心六箇恰似張更

有六星在何處三三相連張畔必若不能分處所更請向

前看野取五箇黑星翼下頭欲知名字是東顧